

Öffentliche Vermahnung /

Wie die dieselbe im
ganzen Churfürstenthumb Sach-
sen / biß auff andere anordnuna / nach
allen gehaltenen Predigten / vnd also
noch vor der Beicht / an das
Volck / solle gethan /

Sampt der Beicht / Ab-
solution / vnd gemeinem Gebet / wie
solche nach der Vermahnung ebener mas-
sen sollen der Gemeine fürgespro-
chen / vnd fürgelesen
werden.



Im Jahr / 1619.



Hist. Saxon.

L.

201, 4.

1. 213. Corp. Pöbel. Form. 2.

71

Liebte vnd Andech-
tige in dem Herren Christo
Jesu / Ob wol der Allmechtige
GOTT / vmb unserer vielfeltigen
Sünden willen / bißhero allerley Straffen vnd Plas-
gen vber vns verhenget / Teglich auch mit noch her-
terer züchtigung vns drowet / zu dem ende / ob wir
in vns schlagen / vnd bey zeiten vmb linderung / vnd
abwendung der wolverdienten straffen demütig bit-
ten wolten.

So ist doch offenbahr vnd am Tage / das lez-
ter der wenigste theil der Menschen sich erweichen
lasse / vielmehr die meisten in Sünden fortfahren /
also das der höchste wol ursach hette / den gar aus-
mit vns zumachen / den Himmel zuzuschliessen / vnd
alle Flüche vber vns kommen zulassen.

Dieweil Er aber ein solcher trewer GOTT
vnd Vater ist / der der Menschen verderben nicht be-
gehret / sondern durch wahre buß sich erweichen
lesset / So wird Ewer Christliche Lieb trewhertzig /
vnd so lieb einem jeden ist / sein / vnd der seinigen /
zeitliches vnd ewiges verderben zu meiden / an Got-
tes / vnd vnsers gnedigsten Churfürstens vnd Lan-
desvaters stat ermahnet / das ihr sampt vnd son-
ders / rechtschaffene wahre busse thun / GOTT für
Augen.

Augen haben / sein Wort mit Andacht hören / für
Gotteslesterung / entheiligung des Sabbath / für
ungehorsamb / Zanck / Mord / Unbarmherzigkeit /
für Unzucht / für Fressen / Sauffen / Hoffart / Vp-
pigkeit / für Buchern / vnd anderer Gottlosigkeit
mehr euch hüten / die von S. Churf. Gn. aus
Landesväterlicher fürsorge / angefehlte Betstunden
fleißig besuchen / vnd so wol zu Haus als in der
Kirchen / Gott den Allmechtigen herzlich bitten
wollet / daß Er sein Antlitz zu vns kehre / vnd vns
für allerley Unglück gnediglich behüte vnd bewah-
re / hingegen alles das jenige gebe / vnd erhalte /
was vns an Seel vnd Leib / nützlich vnd gut ist / hie-
zeitlich / vnd dort ewiglich.

Lasset vns demnach für der hohen Majestet
Gottes auch jeho demütigen / vnd erselich also mit
einander beichten vnd sprechen.

G Allmechtiger Gott /
Barmherziger Vater / Ich ar-
mer elender sündiger Mensch bekenne
dir alle meine Sünde vnd Missethat / damit ich
dich jemals erzürnet / vnd deine straffe zeitlich vnd
ewiglich verdienet habe / sie sind mir aber alle herz-
lich leid / vnd rewen mich sehr / vnd ich bitte dich durch
Deine

deine grundlose Barmherzigkeit / vnd durch das
heilige vnschuldige bittere Leiden vnd Sterben deis-
nes lieben Sohns Iesu Christi / du wollest mir
armen Sündhafftigen Menschen gnedig vnd barm-
herzig sein / Amen.

ABSOLVTION.

Auff solch ewer Bekenntnis / ver-
kündige ich euch allen / die ihr Ewere
Sünde herzlich bereuet / an Iesum
Christum gleubet / vnd den guten ernst-
lichen vorsaß habet / durch Beystandt Gottes des
Heiligen Geistes / ewer sündliches leben forthin zu
bessern / krafft meines Ampts / als ein beruffener /
vnd verordneter Diener des Worts / die gnade
Gottes / vnd vergebe euch an stadt vnd aus be-
fehlich meines HErrn Iesu Christi / alle ewere
Sünde / im Namen Gottes des Vaters / + Got-
tes des Sohns + vnd Gottes des heiligen Gei-
stes / + Amen.

Beschluß.

Weil vns der gnedige Barmherzige
Gott vnser Sünde vnd Missethat ver-
geben / So wollen wir ihm auch nun ferner die
Noth der ganzen Christenheit fürtragen / vnd mit
einander also beten.

Sebet.

Allmechtiger / Ewiger
ger Gott / vnd Vater vnsers
Herrn Jesu Christ / Ein Herr
Himmels vnd der Erden / wir bit-
ten dich herzlich / du wollest deine
Heilige Christliche Kirche / mit ihren Dienern /
Wächtern vnd Hirten / durch deinen Heiligen Geist
regieren / auff daß sie bey der rechtschaffenen Weide
deines Allmechtigen vnd ewigen Worts erhalten
werden mögen / dadurch der Glaube gegen dir ge-
stärcket / vnd die Liebe gegen allen Menschen in vns
erwache vnd zunehme.

Wollest auch der Weltlichen Obrigkeit / (dem
Röm: Kaiser) Allen Christlichen Königen / Für-
sten vnd Herren / Sonderlich aber vnserm gnedig-
sten Chur- vnd Landesfürsten / Herzog Johanni
Georgio / Seiner Churfürstlichen Gnaden Ge-
mahlin / den beyden Churfürstlichen Witben / zu-
samt den Churfürstlichen Jungen Herren vnd
Frewlein / vnd dem ganzen Hochlöblichen Haus
zu Sachsen / mit allen Verwandten vnd Gefreund-
ten / langes leben / beständige gesundheit / sampt
aller zeitlichen vnd ewigen Wohlfarth / auch allen
derselben:

derselben Rāthen vnd Ampelenten / vnd einem Er-
barn Rath dieser Stadt

Gnade vnd einigkeit verleihen / die Vnterthanen
nach deinem Göttlichen willen vnd wolgefallen zu
regieren / auff das die Gerechtigkeit gefördert / die
Bosheit verhindert vnd gestrafft werde / damit wir
in stiller ruhe vnd gutem Friede / als Christen ges-
bühret / vnser leben vollstrecken mögen.

Das auch vnser Feinde vnd Widersacher
ablassen / vnd sich begeben / mit vns friedlich / vnd
sanftmütig zu leben.

Alle die / so in Trübsal / Armuth / Kranck-
heit / Kindesbanden / Hungersnoth / Kriegsgefahr
vnd andern Anfechtungen sein / Auch die so vmb
deines Heiligen Namens vnd der Wahrheit willen
angefochten / vnd gefangen sein / oder sonst verfol-
gung leiden / Tröste sie O GÖtt mit deinem Hei-
ligen Geist / das sie solches alles für deinen Vā-
terlichen willen auffnehmen vnd erkennen.

Du wollest vns auch alle Früchte der Erden /
zu leiblicher nothturfft gehörig / mit fruchtbarer er-
wachung / vnd gutem bequemen Gewitter / gera-
then vnd gedeyen lassen.

Vnd

Vnd ob wir zwar mit vnsern Sünden / deinen
gerechten Zorn / vnd allerhand Straffen wol ver-
dienet haben / So bitten wir doch / O trewer barm-
herziger Vater / von grund vnserer Herzen / daß du
nicht gedencen wollest der Sünde vnserer Jugend /
noch aller vnser obertretung / Sondern vielmehr
ingedenck bleiben / deiner Grundlosen Güte / gnad
vnd Barmherzigkeit / Dahero vns behüten / für
dem Türcken / Papst / vnd allerley irrigen Lehren /
für Krieg vnd Blucvergiessen / für der schedlichen
Seuche der Pestilenz / für allen Anfelligen ge-
fährlichen Kranckheiten / für vergiffter Luft / für
Feuer / für Wassers Noth / für Hagel vnd Unge-
witter / für Mißwachs vnd theurer zeit / vnd für
andern Herzkleid / das vns sampt vnd sonders /
mag schedlich sein / an Leib vnd an der Seel.

Auch bitten wir dich für alles / darumb du
ewiger Gott gebeten sein wilst / daß du vns sol-
ches gnediglich verleihest / durch das bitter Leiden
vnd Sterben deines lieben Sohns Iesu Christi
vnseres Herren / welcher mit dir vnd dem Heiligen
Geist / lebet vnd regieret / in gleicher Majestet
vnd Ehren / wahrer Gott vnd Mensch /
vnsrer Mittler / Hochgelobet in
Ewigkeit / Amen.

Gedruckt zu Dresden in Churf. Sächs. Officin /
durch Simel Bergen / Im Jahr / 1619.

Faint, illegible text, likely bleed-through from the reverse side of the page. The text is arranged in approximately 20 horizontal lines.

Printed text at the bottom of the page, possibly a title or a reference, also appearing to be bleed-through. It is arranged in two lines.

